



Irudi-egille: Urbieta'tar Ixidor

IMPRESA OMEGA-Calle T, n.º 2, planta 5.º

Dep. Leg.: BI-993-67



EGUENI

LO TA AMETS

Etxebarria'tar J. A.

Etxebarria'tar Juan Anjel

LO TA AMETS

**S. Anton'go Katekesia
Euskal-argitalpenak**

AGERTUTAKO IDAZTIAK:

1. Phedro'ren Alegiak I
2. Martial'en Ziri-Bertsoak I
3. Phedro'ren Alegiak II
4. Fatima'ko Ama Birjiña ta Umeak
5. Euskal Iztegi Laburra (A)
6. Esopo'ren Alegiak I
7. Agustin Deunaren Eskutitzak I
8. Gurutz-Bidea
9. Phedro'ren Alegiak III
10. Batikano II Batzar-Agiriak (Eleiza ta kristau ez diran beste erlijioak)
11. Perrault'en Ipuñak (2-garren argitalpena irarteko)
12. Batikano II Batzar-Agiriak (Gizarte artuemonetako bideak)
13. Apuntes de Vascuence (Segundo Curso)
14. Lope de Vega - Bakar-Autuak
15. Liturji - Goratzarreak
16. Jaungoikoaren Agerpena (Batikano-agiriak)
17. Maitale Galdua (olerkiak)
18. Lati-izkuntzaren joskera (Orixe)
19. Euskal Iztegi Laburra (B-D)
20. Kristau - Aziera (Batikano Agiriak)
21. Euskal Iztegi Laburra (E-F)
22. Basoko Loreak (olerkiak)
23. Lo ta Amets (olerkiak)

Algorta'ko

Maguregi'tar Begoña'ri:

(bere urte-egunean, 31-VII-67)

JARDUKERA

Ixil-ixillik,
gozo-gozoki.
Geldi-geldirik,
sakon-sakonki.

Ixil-ixillik,
gozo-sakonki.
Ixil-geldirik,
maite-maiteki.

I

Lo, maiteño.

Lo, izarño.

Lo, kutuna.

Lo, amana.

Lo, astiro.

Lo, gozoro.

Lo, maitea.

Lo, nirea.

II

Lo, ene maite.

Lo, ene bizi.

Gelditu zaite
lo, orain ta beti.

Nire arnasa
zure bizgarri.

Nire biotza
zugaz jostari.

Lo, lo, kutuna.
Egizu amets
maite nozuna
biotz-biotzez.

Nire eskuetan
zure eskutxua.
Nire maitean
zeu bat-batua.

Au lo gozoa
ta amets poza!
Ene aurtxoa,
nire bizitza!



III

Zure esku txiki,
bigun-bigunok.
Esku jostari,
esku nireok.

Naikoa dira,
ezerez arren,
amets-lurbira
ibilliazten.



IV

Nire begiak
maite-izpiaz
zukan josiak,
izpi beroaz.

Zure begiak
izpi maitez
nigan josiak,
izpi bigunaz.



V

Nire eder ori,
seaskatxoan
barre ta irri
etengabea.

Ene potxolo,
ta zeri buruz?
Iratxo lelo
bat bera izutuz?

Ondoan ama
dauka-ta, barrez,
egaz darama
iratxoa iges.

Egin barre, eder,
emen naukazu.
Iratxoa alper
etorko yatzu.

Ene aur txiki
barre-algaraz.
Lillurazko jai
batera goaz!

Bere barrea,
ur-jauzi bat lez,
biotz-leizea
bete bearrez.

VI

Bere mosu gorrizka
malluki bat legez.
Bere mosu baltzaran
masusta-kolorez.

Nire amets-zelaian
erne da. Maite-lur
au irauli dot-eta,
itxaropena atxur.

VII

Nire aragi-zatia,
nire odol-tantakada.
Nire biotz-taupada bat,
nire maitasun-lore da.

Mosuka jan bear zaitut.
Jan nagizu zeuk, autsikiz.
Estutzen zaitudanetan
erdi eiten zaitut barriz.



VIII

Ene aurtxo
negarrez dago.
Ixo, laztana,
zurekin nago.

Zer dok, nirea?
Iratxo motza
zu izututen
etorri, antza.

Ez, ez da iratxo
urrun-bearra.
Aman mosua
laztandu gura.

Ene aurtxo,
etor onago.
Malko-laiñoak,
joan asago.

IX

Lo dago nire
errai-zatia.
Ezpanetan ba-
dau barre ezta.

Begiak itxi
dauz abes-lelo
azkena-antzera.
Gozo-gozo, lo...

Eskuak toles
ditu bigunki.
Soiña luzatu,
leun-zabalki.

Arnasa artuaz
bularra anditzen
yako, gorputza
dardaratuten.

Loak artu ez.
Berak loa artu
ta amets-mataza
baten arildu.

X

Aurtxo biguna
nire eskuetan.
Barre, elkargana
eragitean.

Andi egingo
da egun baten
eta urrungo
lurrean illen...

Aurtxo nirea,
nire aragi
berbera, aitzea
ba'neuko beti!

Jun zaitetz urrin.
Bizi ba'zara,
beti nirekin
gaurko dardara.



XI

Bular-ondoan
bero-berorik
zu estutzean,
bero ta pozik...


Ene txikia,
ene nirea,
edan titia,
aman esnea.

Nire bularra
zeutzat azia.
Edan, ederra,
nire bizia.

Autsiki egin
daust. Ene seiña!
Odol ta mamin
zeutzat egiña.

Jan-edan naizu
gun eta azala.
Ein bear nozu
zure atala:

Nire zartzaro-
zugatz igarra
zeuk apainkiro
jantzi bearra.



XII

Ene txiki
zein ederki
nire altzoan kulunkatuten.

Ene aurra
zein ederra
nire altzoan barre egiten.

Ene zeru
eta aingeru!


XIII

Nire aurraz etzunda
nago oe epelean.
Ni itzar eta bera lo.
Biok ametsetan.
Berak amets eiten dau
izketa gozoan
nagokiola ona
dalako. Nik, etzan
dala bera, lo, nire
maitetasunean.

XIV

Pa bat emongo,
zintzo ba'zara.
Pa bat, zelango
gozo-dardara!

Zintzo da, baiña
ezin pa emon.
Geldi ba'ziña,
oraintxe berton!




XV

Arin, kutuntxo.
Arin, amagaz.
Egin apurtxo
baten lo, nigaz.

Aingerutxu bat
etorriko, bai,
zerutik zeutzat,
lo-ametsen zai.

Egin lo apur
bat nigaz, emen.
Ez izan bildur
amets gaiztoen.



XVI

Maitasun-itzak
zuri esaten
nabil beti, ez
lo, ez atseden.

Maite-itz gozo-
gozoak zeutzat
asmatzen beti.
Ia, ia, bat...

Maitasun-berbak
zuretzat ekar
gura ta... mosu
bat doa, dar-dar...

B I L L A B I D E A

<u>Neurtitzak</u>	<u>Orrialdeak</u>
I - Lo, maiteño.	4
II - Lo, ene maite	5
III - Zure esku txiki.	7
IV - Nire begiak.	9
V - Nire eder ori	11
VI - Bere mosu gorrizka	12
VII - Nire aragi zatia	13
VIII - Ene aurtxo.	15
IX - Lo dago nire	16
X - Aurtxo biguna	17
XI - Bular-ondoan	19
XII - Ene txiki.	21
XIII - Nire aurraz etzunda	22
XIV - Pa bat emongo.	23
XV - Arin, kutuntxo	25
XVI - Maitasun-itzak	27